

Dede ota, y cherdede tl vangele



Zelebraziun a ciasa por la pröma domënia y inçe por les atres domënies de Carsëma 2015

Preparaziun dla zelebrazziun:

Al vëgn impié na ciandëra sön mësa y metü dlungia le liber dla Sacra Scritöra.
(P=periadù: condüj la zelebrazziun, L=letur: lî la letöra y les supliches)
Les ciampanes sona adöm y inviëia ala oraziun.

1. Signur, coraje dassé da aldì
y ascutè sò ci che t'òs nes dî.
Dilan che te nes as baié ados
y te la veghes da tignì sön nos.

2. Signur, coraje dassé d'ascutè
y da se tó dlaurela y palsè:
le cör adora chît da se daurì
al bëgn ch'al pois daite madurì.

3. Signur, coraje dassé da sperè
y crëie al amur che t'òs nes dè,
da se daurì y dè l'amur inant:
de tan de confidënza bel dilan!

P Tl inom dl Pere y dl Fi y dl Spirit Sant. **D** Amen.

1. De mè oh mënete piécé,
Signur, por tûa gran buntè,
nèt làeme cîna a funz dl cör
y tol demez ci che me möi.
Burjé me brüj le tort te mè,
de colpa sunsi dan da tè.

2. Bëgn püre sunsi gnü al monn
amez le mal dlunch intoronn,
intravaié tles ries pasciuns
y impizé tles tentaziuns.
Tö sas ci che me fej stè mal:
portè le pëis de döt mi fal.

3. To Spirit no me tó da mè,
al me condüj söl tru da tè,
y sëntem' ite n cör nü frëm
che cuntra l'mal spo bôt i tëgn.
Destënn sön mè tûa buna man
ch'i pois danü dan tè mët' man.

4. Armöi mi slef ströms por to lalt,
mia usc incündes dlunch dadalt,
che t'es mi Dî che m'à salvè
y de ligrëza pascentè.
Tol sò ci ch'i sun por t'ofrì:
mi cör pentì y orentì.

P I periun deboriada:

Düc Signur, ciara cun buntè sön düc chi che ó dè ota y mëte man danü.
I te dijun dilan che te nes delibrëies dala colpa y dal piécé
y che te scinches pordenanza.
Incorajëiesse da se pordenè un al ater les colpes.
Sënta ite te nüsc cörs tü pinsiers de reconziliaziun
ch'i sciafiunse da s'incuntè cun cun l'ater y cun tè.
Fà fora de nos testimoni de tûa misericordia.

Oraziun de benedisciun

P Acompagnëiesse cun tûa benedisciun
ch'i sunse bugn, te chësc tëmp de Carsëma,
da jì por le tru dla converziun y dla reconziliaziun.

D Amen.

P Acompagnëia la Dlijia de nosta diozeja sön le tru dla sinoda.

D Amen.

P Acompagnëiesse te nostes comunitês,
renovëia y renforza nüsc cörs te to amur.

D Amen.

P Insciö nes benedësces Idî tla Trinité,
Le Pere y le Fi y le Sprit Sant.

D Amen.

Al é tröpes families che s'abina insnöt a perié deboriada. Inçe nos s'un abiné en chësta pröma domënia de Carsëma a d'ascutè la Parora de Dî. I sun invià da se convertì y da jì por trus nüs.

La colpa é n'esperienza che taca adöm cun nosta vita. Ara nes despartësc da Chël Bel Dî y deura sö fossà danter la jënt. Inçe sce la colpa po pesè dassënn söla cosciënza, la sborlunse ion demez. Dan da Idî podunse dè pro nüsç picia. Te süa misericordia nes avalieiel le tru por podèi mëte man danü. Chël che se surandà a so amur, chël condejaral por chësc tru.

L Gejù incundà le vangele de Dî y dijô:
Le tēmp é complì, le rēgn de Dî é daimprò.
Convertisse, y cherededi al vangele. (*Merch 1,14-15*)
(chît)

Signur Gejù Crist, i sun plēgns de colpa chilò dan da té. I oréssun ester bugn da se convertì y da mëte man danü. Mo da nos instësc infora sunse massa debli. La tēma de dè pro ch'i ùn falè nes tēgn indô y la tentaziun de fà sciöch'al ne foss stè nia, nes tēgn te sües ciafes. Tö nes das ardimënt por la verité y te nes delibrëies dal pëis de nüsç picia.

P/D I te dijun dilan de tüa misericordia.

T'as cherdè i piciadus pormez a tüa mësa. **D:** I te dijun dilan
T'es presënt olache le pordonn davagna sura les vendicaziuns. **D:** ...
T'es cun chi che chir Idî te süa colpa. **D:** ...
Tö es le Dî che ti dij definitivamënter de scé ala jënt. **D:** ...

P/D Scinchesse, Signur, tüa misericordia.

Canch'i t'un ôt le spiné. **D:** Scinchesse, Signur ...
Canch'i ên lià a nostes comoditës. **D:** ...
Canch'i ùn suraodü le dolur di atri. **D:** ...
Canch'i ùn ma ciarè de nosc bëgnester. **D:** ...
Canch'i ne s'un nia metü cuntra le mal. **D:** ...
Canch'i ùn pisimé da stè ite por le iüst y le dërt. **D:** ...
Canch'i ne sun nia bugn da ti pordenè la colpa a d'atri. **D:** ...
Canch'i se stentun da azetè le pordonn. **D:** ...

P Sc'i jun do tües pedies, spo se deura trus nüs adincuntra a té,
trus nüs da se jì pormez un al ater y a nos instësc. Spo pol garatè
reconziliaziun, y vita nöia sciafia da florì. Porchël te periunse:

P/D Móstresse, Signur, trus de reconziliaziun.

Invidia, egoism y desprisc desdrüj confidënza. Scinchesse edli daveré
da odèi ci che i atri à de bun te so cör. **D:** Móstresse, Signur ...

Compagnies, amizizies, families y lians d'amur se rump indalater.
Scinchesse la orentè da superè ci che despartësc y da renforzè ci che
unësc. **D:** ...

Sc'i ne s'un fajun nia d'infora, ti tolunse la motivaziun ai atri. Dëidesse
da ester sinziers y da se dè da fà por le bëgn confidan sön to aiüt. **D:** ...

I popui se prô te süa esistënza da ciäfè i dër raporé un cun l'ater.
Scinchi consèi y fantasia te sü sforç de arjunje iustizia y pêsc. **D:** ...

Düç Nosc Pere sö al cil,
al sides santifiché to inom,
al vëgnes to rēgn,
tüa orenté sides fata
sciöche sö al cil insciö söla tera.
Dasse incö nosc pan da vigni dé,
pordona a nos nüsç picia,
sciöche nos pordenun a chi che s'à ofenü
y no se menè tla tentaziun mo delibrëiesse dal mal.
To é le rēgn, tüa la potënza y la gloria por dagnora. Amen.

Ave, Maria, plëna de grazia,
le Signur é cun tè,
tö es benedida danter les ëres
y benedi é le früt de to gremo, Gejù.
Santa Maria, uma de Dî,
präia por nos piciadus
šëgn y tl'ora de nosta mort. Amen.

Gloria al Pere y al Fi y al Sprit Sant,
sciöch'al é stè, sciöch'al é y sarà por dōta l'eternité. Amen.